

Hmong cultural center inc.

Koom haum hmoob kab lis kev cai.

995 university ave.stpaul.M.N.55104

**=Hmoob lub neej nyob yaj
ces tuam meem teb (suav teb)
txij li tiam 1 mus txog tiam 18.
(Hmong life live in china from
the 1 st century to 18 century)**

**Tus tshawb fawb thiab tsim phau
Ntawv hais txog hmoob lub neej no
Yog yawg: Major. Tougeu leepalao**



LEE TOUGEU

Major. Tougeu leepalao.
687 charles ave,st Paul,M.N 55104. H.
995 universty ave, stpaul,MN55104. w.

= **Education:** 1950 Lao grade school certificate phone-savanh province xieng khouang laos.

- = 1953 special guerrilla unit and parachute training camp cap saint Jacque province Saigon south Vietnam.
- = 1960 French grade school certificate xiengkhouang laos.
- = 1963 military cadet school phakhao laos trained to be a military officer.
- = 1966 training in general long cheng laos acted as a technical training staff at long cheng ste 20. A.

= **Experience:**

- = 1964 Commander in chief. Ban Na Laos. Acted as a coordinator for Zone. 2 A. site 15.
- = 1966 commander in chief saneune laos acted as a coordinator to manage Zone . 12 B. site 184.
- = 1967 chief of training moung cha Laos. responsible for training guerrilla unit and.B.O.C.troops at site 113 training camp.
- = 1969 Assistant Director trainer and commander in chief Long cheng Laos. responsible for training and Directing. S.G.U. B.O.C. and.MTT. troops at Long cheng training camp center.
- = 1971-75 Commander in chief at Samthong Laos. managed and Director the .B.O.C. for site 20.
- = 1992 present Cultural instructor Hmong cultural center St Paul, MN 55104 teach Hmong cultural,history and language adolescent And adults and provide cultural counseling to Hmong community

Reference: Available upon request.

Hmoob keeb kwm nyob tuam tshoj
yaj ces tuam meem teb(china)

paub meej tseeb tias: hmoob xub xub nyob ua ntej dua suav, Hmoob yog ib haiv neeg muaj cev nqaij,cev tawv,ntsej muag,hais lus,kab lis kev cai kev cai lij choj,dab qhuas txawv thiab zoo tsis sib xws li luag lwm haiv neeg,peb thiaj ntseeg tau tias; peb yog ib haiv neeg uas tau ncaim tawm ntawm lwm haiv neeg nyob sab neeg tawv daj (Asian) hmoob muaj keeb kwm yug tawm los ntawm thooj av loj nyob ze pem hauv ntuj nruab nrab uas yog thooj plawv av loj nyob ze sab hauv ntuj, hmoob muaj cev nqaij tawv dawb daj tshiab khiv,plaub hau dub daj lem lis xws li kub.hmoob tseem hais tej zaj dab neeg thiab paub txog lub ntiaj teb,paub yawm saub,dej nyab ntiaj teb,paub tus tswv tsim ntuj,tsim teb,paub 2 tug niam txiv tsim noob neej huv si. Peb thiaj ntseeg hais tias: hmoob yog ib haiv neeg uas xub xub yug tshwm sim nyob ntiaj teb dua lwm haiv neeg los ntev lawm tiag tiag,peb haiv hmoob tau thoj nam hla lub roob loj sab pem toj ua ntej mam li nkag los txog tuam tshoj,vim tias hmoob piav thiab paub

2

txog lub neej ntuj qub qab,uas hmoob tau hla
 dhau los lawm.hmoob hais tias.lub teb chaws
 ntuj qub qab mas muaj daus,te,npu dej khov loj
 luaj tej lub roob,xyoob ntoo muaj tsawg,hos no
 no li, tib neeg yuav tsum hnav ris tsho pam rwb
 xwb,tsis tasli nws tseem muaj nruab hnub 6 hli
 hmo ntuj 6 hli hais txog hmoob keeb kwm mas
 muaj li no, tab sis zoo li peb hmoob tsis tshua
 xav taug keeb kwm pes tsawg,peb hmoob tej dab
 neeg,txuj ci dab qhuas tsuas yog ib tiam hais
 dhau ib tiam,ib txheej hais dhau ib txheej xwb
 peb hmoob tau nrog suav nyob ua ke los ntev
 lawm,peb hmoob yog ib haiv neeg xav tau kev
 thaj yeeb xwb,tab sis qhov peb xav ntawd ho tsis
 tau, peb hmoob raug suav quab yuam ntau tsav
 ntau yam kawg kiag, yog koj xav paub tseeb
 tshaj mas koj mus tshawb nyob hauv cov tsev
 khaws txuj ci nyob suav teb. Qhov tseeb mas yog
 hmoob xub xub los nyob tuam tshoj dua suav,
 suav mam los tom qab.hmoob thiab suav sib
 ntsib thawj zaug yog tiam 3 (3- century) hmoob
 nqis sab hauv ntuj los tsim vaj,tsev liaj ia nyob
 rau lub zos hu ua: Vam'kiab- vam khib-(parking
 paub'zoo tiás:haiv neeg suav tau thoj nam tawm
 ntawm thooj av tiaj lojloj hu ua laus yas(Loyang)
 thaj chaw hu ua thaissas (thaishan) kwv yees
 li. 3000 xyoo ua ntej yes xus(Jesus) suav tau tsiv

3

taug tus dej hu ua. Vais (wei) sab hnub poob
 hla thooj av hu ua . sas doos (shandong) nyob
 sab hnub tuaj ncaj nraim mus hla thooj av hu ua
 Has(han) thiab huas npaus(huaibo) sab nram
 hav kwv yees li 2000 xyoo, suav mus txog tus dej
 hu ua yias xix kias(yiangxekiang) qhov kawg
 suav tau nkag mus rau sab nram hav yog tiam 3
 (3 rd-century) tom qab yes xus yug. Haiv neeg
 suav nkag los nyob tuam tshoj muaj 2 yam: yam
 ib(1) suav siv cuab yeej riam phom ntau yuam
 cai kiag los. Yam ob(2) suav siv tswv yim maj
 mam haub ntxias nkag los nyob,thaum nyob ruaj
 ntseg lawm,mam siv cuab yeej riam phom raws
 haiv neeg hmoob ntiab kom hmoob tawm mus
 nyob toj roob hauv pes, ua kom hmoob tsis pom
 kev vam meej, lub laj sim kob ntawd hmoob tau
 txais kev kub ntxhov ntau tsav,ntau yam kawg
 muaj ib phau ntawv sau ua ntawv suav nyob
 suav teb hais tawm tias: suav paub hmoob muaj
 peb xeem ua ntej dua lwm xeem xws li. Xeem lis
 xeem vaj, xeem tsab. Qhov uas suav tuav hmoob
 npe tsis so mas yog txij li tiam 3 xwb(3rd century
 hos txij li tiam 4 (4rd century) mus txog tiam
 11(11th century)mas tsis hnov hais txog hmoob
 lub npe kiag. Txij li tiam 11 (11th century) mus
 txog tiam 16 (16th century) hmoob rov qab muaj
 npe tawm tuaj zuj zus,txog tiam 17- 18 (17-18

century) mas hmoob muaj npe nto moo lug
 hmoob plaws tuam tshoj. Haiv neeg me(minority)
 nyob tuam tshoj mas hmoob yog haiv neeg uas
 suav paub zoo tshaj,vim hmoob yog haiv neeg
 uas xub xub los nyob ua ntej dua lwm haiv neeg
 qhia tau tias; suav raws hmoob khiav tawm lub
 zos loj.Vam kiab(parking) tau kwv yees li 6000
 xyoo los lawm, txog rau tiam 1 (1st century)
 hmoob tau thoj nam mus nyob rau thooj av loj
 xab xeeb kaum kis tshuas(kis xus) hmoob mus
 sib sau nyob ua pab,ua pawg raws lub tiaj roob
 ntawd.hmoob tsis hais txog nom,txog tswv li
 hmoob xav nyob ywj siab xwb,tab sis qhov
 hmoob xav tau ntawd kuj tsis tau raws siab xav
 hmoob thiab suav txoj kev mus los sib cuag fab
 kev lag,kev luam thaum tseem tsis tau muaj kev
 sib ntaus,sib tua,suav kuj tuaj muag khoom txog
 pem hmoob zos,hmoob kuj mus yuav khoom
 txog nram suav zos.tab sis hmoob kuj tau txais
 kev kub ntxhov,quab yuam los ntawm cov suav
 tub sab ntau.tsav,ntau yam thiaj ua rau hmoob
 tsis txaus siab. - txog xyoo 47 tom qab yes xus
 Yug hmoob thiaj tau sawv ib phaum rog nrog
 suav sib tua nyob thooj av xab xeeb kaum yus
 nas (yunan) suav tau siv tub rog nrog hmoob sib
 ntaus tau 2 xyoos thiaj li tus. Suav kuj pom tseeb
 tias. Hmoob yog ib haiv neeg me me tab sis

Hmoob yuav tsis kam rau suav qos kom tau raws
 li suav siab xav,hos hmoobv los kuj paub zoo tias
 muaj ib hnub twg suav yeej yuav ntxuav kom
 hmoob tsis muaj tas, li ntawd mas txawm tias
 tsov rog tus lawm los yeej tsis sib ntseeg siab li
 tog twg los yeej sib nyas ntshis xwb.
 =Hmoob muaj yeej zoo los ntawm nom tswv zej
 zos txij li tiam 13 mus txog tiam 15(13-15th)
 vim suav txoj kev raws hmoob no qeeb dhau tus
 neeg tshawb fawb pom tseeb tias suav mus txog
 thooj av hais no lig,qhov tseeb mas txij li tiam
 16 suav kuj mus tsis coob,tsis npaum li tam sim
 no kwv yees ib feem peb(1/3) thooj av tiaj saum
 roob yus nas(yunan)thiab kis tshuas(guizhou)
 kwv yees li 80-90% uas yog av khoom nom tswv
 mus tsis txog,hais tau tias: thaj av no yog av ywj
 siab (free land) thooj av li hais no yog tias
 hmoob muaj zog txaus ces yog hmoob ntiag tug
 kiag. Txawm li cas los thooj av no yeej tsis ruaj
 vim muaj ntau haiv neeg me nyob sib xyaws
 nyias ua nyias hau qwj tsis sib koom tes ua ib
 pab tsuas yog thaum suav tuaj tua mas thiaj sib
 sau ua ke xwb thaum suav rov qab lawm ces
 nyias nyob nyias koj tsis paub kuv,kuv tsis paub
 koj. (qhov tseeb mas yog tias hmoob nyoo ua
 suav qhev tuag nthi mas tsov rog tsis muaj)
 muaj qee thaj chaw uas hmoob tau tso tseg thiab

muaj npe los txog niaj hnub no xws li thooj av
 loj xab xeeb kaum kis tshua(Guizhou) zas zes
 uas muaj nyob thaum tiam 7 (7th century) uas
 yog thooj av hu ua. TSU nyob sab hnub poob
 nram qab thiab ib thooj hu ua Yes las(yelang)
 ob lub teb chaws no muaj ib tug hmoob hu ua
 xyum yaj, tus yawg no raws li hmoob hais mas
 thaum yau nws caij ib tug xyoob taug dej los,
 muaj ib tug poj niam hmoob póm ces tus poj
 niam thiaj khaws nws coj los tu,(tsis paub xyov
 yog leej twg me nyuam,) tus me nyuam hlob loj
 muaj li 10 xyoo, nws txawj,ntse,paub ntau yam
 paub txog ntuj sia,paub txog neeg lub neej,paub
 yuav tshav ntuj,yuav los nag. Ces tsoom hmoob
 thiaj ntseeg thiab hwm nws hais tias: yog huab
 tais hmoob no, hmoob thiaj muab coj mus nyob
 ze thooj av yus nas(Yunan) lub laj sim kob no
 muaj qee tus hmoob tau mus tawg qhia suav
 paub tias: hmoob muaj huab tais lawm ces huab
 tais suav thiaj xa tub rog tuaj puav ntes hmoob
 tus huab tais no.cov tub rog suav tau tuaj tua
 hmoob raug ploj tuag lawm ntau txhiab leej,
 hmoob thiaj txiav txim siab nrog suav sib tua
 feem' muaj ceem kawg,txog qhov kawg tus nom
 hmoob raug suav tua tuag ces hmoob thiaj swb
 poob ua suav qhev lawm(qhov uas suav tua tau
 hmoob tus nom no twb yog hmoob mus coj suav

tuaj tua) npluav rog no yog ib nplua rog loj heev
 kawg nyob rau tiam 8 (8th century) thooj av xab
 xeeb kaum kis xus(Guizhou) yog ib qhov chaw
 zais rog tub sab zoo kawg. Thooj av no zoo li cas
 peb yuav tsum paub kom meej tseeb,vim tias peb
 hmoob lub neej nyob tuam tshoj feem coob nyob
 thaj chaw no los ntev.lawm.thooj av kis xus no
 yog ib thooj av loj thiab dav kawg, nws ntev li
 600 kis lus mev(600 kilometers) dav li 400 kis
 lus mev(400 kilometers) thooj av li hais los no
 luaj li ib nrab thooj av thaib teb. Thooj av no sab
 pem toj kawg rau: thooj av xem xuam(Sichuan)
 thiab hus kuas,sab nram hav kawg rau thooj av
 Yus nas(Yunan) thiab kuas xim(Guangxi)thoob
 plaws lub roob kis xus(Guizhou) lub roob no
 nws ua toj roob hauv pes ntau kawg xam los nws
 siab li 800 mev(800 meters above sea lavel) ua
 rau thooj av no faib ua ob(2) feem, muaj ib feem
 ua laj roob siab,ua toj laug taw mus ti nkaus rau
 sab hnub poob thooj av yus nas(yunan) nws siab
 txog li 1500- 2000 mev(1500-2000 meters above
 sea lavel) muaj tej ntu siab txog li 3000 mev.
 (3000 meters above sea lavel) feem ua tiaj tus
 siab txog 600 -1000 mev(600-1000 meters above
 sea lavel) li no nws.tseem muaj ib tug dej loj
 ntws sab hnub poob mus rau sab hnub tuaj pem
 toj ces mam li ntws mus rau sab ntuj nram hav

lub roob no muaj tej kis dawm zeb,dawm tsua
 dawm roob,dawm hav mus los sib cuag zoo
 kawg muaj qhov zeb,qhov tsua ntau thiab tob
 kawg,ntsia mas txaus ntshai heev muaj av thiab
 pob zeb sib xyaws ntxaws,thooj av kis tshua no
 hais txog toj roob hauv pes zoo li hais no lawm
 tseem tshuav fab huab cua siab siab,qis qis,tsis
 sib xws,tej hnub no no,tej hnub Sov Sov,muaj
 daus,npu,te(snow) tib si. Thooj av no feem neeg
 suav tsis nyiam nyob,txawm hais tias thooj av
 zoo li no los nws tseem muaj nuj nqis kawg,vim
 muaj cov ntoo ruaj thiab zoo, yog hom ntoo
 muajnqis heev xws li. Thwj suab,npeb,khej ntau
 hom ntoo ruaj heev,cov ntoo zoo muaj nyob ob
 qhov chaw xws li. Sab hnub poob nruab nrab teb
 muaj 2 lub zoov loj loj. Ua rau kis xus(Guizhou)
 nyob nto moo lug. Ib lub nyob sab pem toj. Nyob
 lub nroog kis xus(Guizhou) tsis muaj kev loj nws
 muaj kev me mus los sib cuag xwb,yog zoo li no
 thiaj ua rau cov suav tsis muaj peev xwm yuav
 nce mus nrog hmoob nyob tau. Tej zaum muaj
 nom tswv suav yuav tuaj xyuas hmoob mas yuav
 tsum ua ntas kwv, 8 leej kwv ib tug, tej qhov kev
 ntxhab ua pob tsag mas tseem yuav tau muab
 hlua khi rub nce toj mus. Tej no mas kuj ua rau
 hmoob tau txais kev nyuab siab kawg, lub teb
 chaws thiab suav txoj kam ua rau hmoob zoo li

no thiaj ua rau hmoob thiab suav muaj teeb
 meem tsis sib haum,lub laj sim kob zoo li no
 tsoom neeg hmoob taug kev mus los sib cuag
 fab ua lag,ua luam,nrhiav noj,nrhiav haus qho
 me ntsis kuj raug tub sab suav tos kev tua tuag
 tej poj niam raug quab yuam txeeb nyiaj txiag
 mov noj tag du lug,vim tej kev mus los ti ti tsis
 dav,thaum sib ntsib tsis tau kev khiav li, tab sis
 ho zoo rau feem rog tub sab nkaum kawg,vim
 nws muaj chaw zais cuab yeej ua rog nrog
 khoom noj haus uas tsis muaj neeg mus tshawb
 tau. Txog xyoo 1681 muaj ib tug thawj tub rog
 suav coj tau 100 tus tub rog khiav mus nrog
 hmoob nyob tau 20 xyoo. Txog xyoo 1682 kuj
 muaj ib tug thawj tub rog suav hu ua mas npos
 tau khiav mus rau thooj av yus nas, thaum nws
 mus hla hmoob thooj av kis tshuas, hmoob kuj
 tau txo yawg cov riam phom tas nrho,tab sis
 yawg tsis ua li cas rau hmoob,yawg tseem qhia
 kom hmoob paub siv cov riam phom ntawd thiab
 hmoob txoj kev mus los ib zaug ces nco ntsoov
 tas li, yawg maum txhij too haiv neeg hmoob tsis
 mloog suav lus, thaum ntej suav hu hmoob ua
 " man" txij li tiam 10(10th century) los mus suav
 thiaj hu hmoob ua "miab" (mao) lub npe no suav
 lam hu xwb tsis yog hmoob npe. Haiv neeg me
 nyob suav teb muaj 99 haiv neeg, tab sis xyoo
 1962 suav liab tau tshaj tawm tias haiv neeg me
 nyob tuam tshoj muaj 52 haiv neeg me xwb

av loj kis tshuas(Guizhou) thiaj sawv ua rog tub
 sab tua suav, phaum rog no pib xyoo 1725 mus
 txog xyoo 1733 siv caij nyoog 8 xyoo nkaus
 hmoob thiaj swb suav, thaum hmoob swb suav
 lawm suav tau ua' tej yam phem heev kawg rau
 hmoob. Txog xyoo 1734 hmoob tiv tsis taus txoj
 kev ua phem,hmoob thiaj rov sawv ib phaum rog
 nrog-suav sib tua dua.hmoob txeeb tau 4 lub
 nroog xws li: 1 kees xuas. 2. Xees yuas.3 kees
 pees. 4. Kais lis. Hmoob tua suav tuag lawm li
 1000 leej. Raug mob li 6000 leej. Dhau qhov no
 los hmoob tseem txeeb tau 4 lub zosntxiv(1)huas
 pees.(2)kees pees.(3) yus kees.(4) xis xus.qhov
 uas hmoob tau muaj yeej no kuj yog tias hmoob
 xub xub qhib,nqis tes ua ntej dua. Txoj kam teb
 chaws ntxhov li no,huab tais suav nyob pem ceeb
 (Beijing) tau poob siab thiaj xa tau 3 pawg tub
 rog loj tuaj puav hmoob.thaum hmoob pom li no
 muaj ib txhia hmoob tau ntshai heev lawv kuj
 tau tawm mus nyoo suav,cov hmoob no tsis tau
 txais kev hlub dab tsi. Raug suav muab tua pov
 tseg tas du lug, txij li ces hmoob thiaj tsis kam
 mus thawj ntxiv lawm, hmoob ua ib siab nrog
 suav sib tua tau ib xyoos txwm nkaus.suav kuj
 raug ploj tuag lawm coob. Huab tais suav chim
 siab heev nws thiaj xa ib tug tuam thawj tub rog
 lub npe hu ua. Xas kuas xim. Tuaj hloov cov qub

Lub laj sim kob ntawd,hmoob nyob kis tshuas
 (Guizhou) raws li tus phaj xam tau mas hmoob
 muaj. 4,500.000 tus, nyob saum lub roob kis
 tshuas(guizhou) muaj 700,000 leej, hmoob nyob
 ua 2 pawg loj xws li: sab hnub tuaj pem toj thiab
 hnub tuaj nram hav, vim 2 qhov no muaj zoo loj
 tshaj. Suav thiaj muab hmoob tis npe hais tias:
 hmoob siav thiab hmoob nyoos, txawm zoo li
 ntawd los hmoob tseem nyob nirog suav ua ke
 thiab nce se rau suav niaj xyoo. Txog ntua tsov
 rog ntiaj teb zaum ib(word war 1st) hmoob nyob
 raws tej tiaj roob siab,yug nyuj,yug twm,yug
 nees ,yug qaib,npua, hmoob cog pob kws,pias,
 qeb,soov,cej,txhuv daj,maj,yaj yeeb cia ua tshuaj
 lub sij hawm zoo li no, hmoob kuj raug suav tuaj
 quab yuam ntau tsav,ntau yam ua rau hmoob
 tsis paub yuav ua zaj twg thiaj zoo,lub laj sim
 kob ntawd huab tais suav ua tug tsis lees paub
 txog nws cov suav kev quab yuam hmoob,nws
 tsuas nyob tos sau se tau nyiaj xwb,muaj qee yim
 hmoob uas muaj li 2-3 tug me nyuam es lawv tsis
 muaj nyiaj them se mas cov nom tswv suav yau
 muab tus txiv tua pov tseg coj tus poj niam nrog
 cov me nyuam mus ua suav qhev dawb tsis them
 nqi rau lawv,yog lawv ua suav qhev es lawv ho
 muaj mob tuag, suav muab hlua khi caj dab luag
 mus khawb qhov faus xwb.. tsoom hmoob thooj

rov qab, yawg tuam thawj tub rog no tau coj cov thaib ham puav hmoob zoo li no: muab faib ua tej pab pawg rau saum lub roob siab txhua qhov chaw, faib ib co zov txhua txoj kev. Tau tsis ntev hmoob kuj swb suav ua ntu zus. Txog thaum hmoob swb suav kiag lawm, suav tau ua ntau Yam rau hmoob xws li ntawv faj lem tau hais tias lub laj sim kob ntawd. Suav hlawv hmoob tsev lawm. 12,024 lub tseg tsis hlawv 388 lub, hmoob raug suav tua pov tseg. 16,700 leej, raug ntes 27,000 leej, nyob hauv 27,000 tus no suav tau coj mus tua rau pej xeem saib 2 feem qhia tau tias: tua li 19,000 tus pov tseg, muab tau hmoob cov phom, 46,000 rab thooj av no raug suav muab ua suav tug kiag lawm, txij li ntawd los tau 50 xyoo tsis hnov hais txog hmoob lub npe li lawm. Lub laj sim kob no suav txoj kev quab yuam tsim txom hmoob tseem pheej muaj tsis tu ncua. Txog xyoo 1795 -- 1806 hmoob rov qab sawv ib phaum rog tua suav lub roob loj: kis tshuas(Guizhou) hus nas(hunan) xem xuam. (Sichuan) tag nrho tsoom hmoob tib txhij sawv tuav riam tuav phom txhij zog, caij nyoog ntev li 20 hnub xwb hmoob txeeb tau 4 lub moos loj (1) yoos xuas.(2) kias xus.(3) pus xim.(4) xees lia. Hmoob tus thawj coj hu ua yawg Vwj npuag

yis.thaum tau Li no yawg vwj npuag yis xav ntaus kom mus ti nkaus rau Vam kiab(parking) thaum zoo li no lawm, huab tais suav tau xa tub rog ntau pawg txhiab tuaj puav hmoob thoob plaws txhua lub zos loj, suav thiab hmoob sib tua tau 3 lub hlis xwb ces suav ntaus tau tag huv si hmoob tej vaj tsev raug hlawv kub hnyiab tag du lug. Txawm suav ntaus tau li no los hmoob yeej tsis zeem li, vim hmoob paub zoo tias koj txawm mus zeem nyoo los yeej yuav raug suav tua ib Yam li yav thaum ub xwb, hmoob thiaj li ua ib siab nkaum toj roob hauv pes nrog suav sib tua tas zaj, tas zog. Yawg vwj npuag yis raug suav ntes tau zaum no yog vim nws tus phooj ywg ntxeev siab mus coj suav tuaj ntes xwb. Thaum zoo li no lawm, yawg vwj npuag yis 2 tug tub. Hu ua: vwj teeb yis thiab vwj teeb lis nkawd ob kwv tij sawv los coj tsoom hmoob nrog suav sib tua ntxiv mus yog xyoo 1796 lub laj sim kob ntawd muaj ib tug thawj tub rog suav hu ua meej lias, nws tau coj nws cov tub rog ntau pua pawg mus puav tua hmoob nyob hav zoov, hav tsuag thoob plaws qhov txhia chaw, txog thawum kawg suav kuj ntes tau yawg vwj teeb yis. Txij li ntawd los ces cov rog hmoob tsawg tsawg lawm tshuav qho me ntsis xwb. Txog xyoo 1801 - 1804 kev suav quab yuam tsim txom hmoob tseem pheej

miuaj tsis tu ncua kiag li.thiaj li rov sawv dua ib
 phaum rog hmoob tuaj ntxiv, tab sis tsis loj lawm
 thaum hmoob swb suav tag ces suav tau ua tej
 Yam nruj heev rau hmoob xws li: muaj nkuaj
 kaw neeg 987 lub cia kaw hmoob nkaus xwb
 txoj hauj lwm zoo li no hmoob tau poob siab loj
 lub sij hawm ntawd hmoob muaj neeg txog li
 ntawm 3 lab tus (3,000,000) nyob thaj tsam
 ntawd.hos muaj li ib lab tsib puas txhiab tus.
 (1,500.000) nyob sab nraum yog tiam 19.
 (19th century) thaum tus tseeb tsim zoo li no
 lawm hmoob thiaj nrhiav kev tsiv tawm tuam
 tshoj mus nyob lwm thojo av xws li: nyab laj,los
 tsuas, thaib,phaj mab txhua txhia qhov chaw.
 = txog xyoo 1800--1805 hmoob tau sab laj
 nrhiav kev tsiv tawm nqis los sab hnub tuaj nram
 hav, lub laj sim kob no hmoob tau siv cuab yeej
 riam phom coj poj niam tub se cab nyuj,cab nees
 nrog qaib npua noob qoob noob loos ntaus kev
 thojo nam nkag los rau nyab laj teb thiab los tsuas
 teb feem tsis ntshai leej twg kiag li. Hmoob nkag
 los nyob nyab laj teb thiab nplog teb sab pem toj
 thoob plaws. Txawm tias hmoob tau ntaus kev
 tawm los li hais no los tseem tshuav hmoob feem
 coob tseem nyob tuam tshoj txog niaj hnub no.
 =Txij li tiam 19-20(19 -20th -century) tuam

tshoj(yaj ces tuam meem teb) tus tsov rog kuj
 tsis tus li,tseem muaj sawv loj zuj zus tuaj xwb
 thaum ntawd muaj ib tug nom suav lub npe hu
 ua: yawg maum txhij too, yawg tau sawv los ua
 tus tuam thawj coj tog suav liab(communiste)
 yawg tau hais rau nws cov tub rog hais tias: peb
 yuav mus hla cov zos hmoob ntau qhov chaw
 peb yuav vam cov pej xeem hmoob pab peb xwb
 tab sis hmoob tau raug tub rog suav los sis nom
 tswv suav quab yuam lawv los ntau txheej tiam
 lawm thiaj ua rau hmoob ntshai thiab tsis ntseeg
 tub rog suav li. Zaum no mas peb yuav hloov
 siab, peb yuav hlub thiab pab lawv,peb txhob
 lam kov lawv dab tsi. Yog lawv zoo siab pub yam
 twg mas peb mam li yuav xwb,peb yuav ua siab
 ntev pab lawv txhua yam uas peb pab tau,peb
 txhob ua tej yam txhaum thiab tsis zoo,vim lawv
 nyiam kev thaj yeeb,lawv tsis nyiam kev kub
 ntxhov, yog peb ua tau li no mas lawv yuav zoo
 siab koom tes nrog peb xwb. Thaum no cov tub
 rog suav liab mus txog lub zos twg, lawv ua raws
 nraim li yawg maum txhij too tau hais rau lawv
 thaum ntej cov tub rog suav liab mus txog
 hmoob zos hmoob kuj ntshai tab sis hmoob saib
 ua cas tub rog suav ua zoo kawg, hmoob cia li
 koom tes nrog tog suav liab ua ib nqag lawm

thaum no yawg maum txhij too tau txais cov neeg hmoob ua tub rog zoo kawg, vim cov neeg hmoob paub toj roob hauv pes zoo heev. Qhov uas yawg maum tau ua li no vim yawg tau kawm paub txog hmoob kab lis kev cai, paub hmoob lub siab xav tau dab tsi ?

=xyoo 1949 yawg maum txhij too tau xa ib tug kws kho mob (Doctor american) lub npe hu ua (Ma aitch george haten) mus kho mob rau cov neeg toj siab uas yog hmoob, thaum no tsoom hmoob thiaj ntseeg tau tias. yawg maum txhij too muaj pluaj siab hlub cov neeg txom nyem tiag ces hmoob thiaj ua ib siab nrog yawg maum txhij too nyob li lawm.. lub 9 hlis xyoo 1969 nyob tuam ceeb (Beijing) yawg tuam thawj kwm tsav suav liab tau tshaj tawm rau lub rooj sab laj loj nyob ntawm theem 6 qib 50 hais tias: cov neeg toj siab uas yog haiv neeg me ua zej zos nyob suav thooj av yuav tau txais kev thaj yeeb noj qab nyob zoo, thiab nyob ntawm qib 52 qhia tias haiv neeg toj siab (hmoob) muaj cai nkag ua tub rog tso pej xeem thiab tub ceev xwm nrog suav ua ib pawg nyob hauv tseem hwv chaw tswj teb chaws, tsis tas li nyob ntawm qib 53 tseem lees paub txog hmoob kab lis kev cai, kev dab qhuas hmoob tib si. txoj cai no tseem hwv suav tau tshaj tawm xyoo 1954 kom pej xeem toj siab

nyias muaj nyias nom tswv kav xws li tus tswv nras (cob khiam) Governor. uas yog neeg hmoob mas thiaj ntseeg tau tias; tiam 20th no hmoob nyob tuam tshoj (yaj ces tuam meem teb) tau txais kev thaj yeeb lawm tiag.

= zaj keeb kwm hmoob nyob yaj ces tuam meem teb (tuam tshoj) uas kuv tau tshawb nrhiav los ntawm tej neeg laus thiab tej ntaub ntawv nyob hauv yaj ces teb tsim meej thiab yaj ces veem com teb no ntau cov coj los ntsuam xyuas kuj hais ib yam txawv tsis deb, mas thiaj ntseeg tau tias yuav muaj tseeb xwb li, yog leej twg ho paub zoo tshaj qhov no thov muab coj los dhos ntxiv kom meej tseeb tshaj haj yam zoo xwb.

- yawg. Major. Tougeu leepalao.

Neeg nyob ntiaj teb muaj 4 tug

- 1/- Tus neeg txawj ntse muaj zog nquag.
- 2/- Tus neeg txawj ntse tub nkeeg muag luav.
- 3/- Tus neeg ruam muaj zog nquag.
- 4/- Tus neeg ruam,tub nkeeg,muag luag.

=Neeg txawj ntse muaj 3 tug

- 1/- Tus neeg txawj
- 2/- Tus neeg ntse
- 3/- Tus neeg ua yog.

Kev cai ntseeg muaj 2 yam

- 1/- ntseeg hwj huaj tseeb.
- 2/- ntseeg hwj huaj cuav.

Lus ntuaas qhia kew vam meej

- | | |
|------------------------------|----------------------------|
| 1/- neeg coob | teb chaws vam meej. |
| 2/- dab coob | qig xyab ntawv tsiaj txhu. |
| 3/- hav zoov loj | ua vaj tsev zoo nkauj. |
| 4/- txiv muam ntau | puas dab puas qhua. |
| 5/- tsa hau ntau | puas teb chaws |
| 6/-Siab dav. phooj ywg coob, | siab ti phooj ywg |
| -hlub tus pluag, | teb chaws koom, |
| hlub | |
| tus muaj teb chaws | puas siab. |

Tougeu leepalao.

Major Tougeu leepalao lub neej.

- = kuv Yug lub: 7/20/30 nyob lub zos phwv lwj, Toj xeem nas vas,moos hmoob xeev kham (xiengkhouang Laos)
- =kuv kawm ntawv los tsuas tiav nqe: P. 3 xeem tau daim: Certificate xyoo 1950 nyob Phonesavanh(laos)
- =xyoo 1953 kuv kawm kev cai ua tub rog hav zoov (special guerrilla unit parachute) nyob nyab laj qab teb lub nroog Capsaint Jacque province in SAIGON south Vietnam) tau 8 lub hlis mam li kawm tiav.
- =xyoo 1960 kuv kawm ntawv fab kis tiav nqe: P. 6. thiab xee'm tau daim. Certificate. P. 6. nyob xeevkhamb (xiengkhouang Laos.).
- = xyoo 1961 kuv tau txais lub hwj chim tub rog pawg pua (soulieutenant) yog huab tais nplog muab.
- = xyoo 1962 kuv mus kawm kev cai ua thawj tswj tub rog pawg pua nyob pham qhom tau 6 hli, kuv tau txais lub hwj chim thawj tswj tub rog yog : (Lieutenant).
- = xyoo 1963 kuv mus ua thawj tswj tub rog pawg txhiab nyob: Banna.zon : 2. A. SL. 15 .specialGuerrilla unit and A.D.C.
- = xyoo 1965 kuv mus kawm kev cai nyob office staff thiab kev cai tswj hwm tub rog pawg txhiab nyob looj ceeb tiav nrog daim : Certificate. Thiab tau txais lub hwj chim: Captaine (xab khais tob).
- =xyoo 1966 kuv ua thawj tswj tub rog pawg txhiab nyob lub nroog moos xuab xeev xas niam. Zon. 12. B.LS. 184. lub roob tuam phwv lis.
- =xyoo 1967 General Vang Pao hu kom kuv ua xib hwb qhia tsoom tub rog: S.G.U. and B.O.C. nyob rau lub yeej moos cuab (camptraining center moung Decha. SL. 113. (xieng khouang LAOS).

=xyoo 1969 kuv tau txais lub hwj chim : Commandant (Major) ntawm huab tais los tsuas thiab ua xib hwb qhia: S.G.U... B.O.C...MTT. nyob lub yeej looj ceeb camptraining center longcheng .

=xyoo 1970- 74. kuv ua lwm tswj qhia tub rog nyob rau lub yeej looj ceeb. (I was a vice Director camptraining center long cheng. Xiengkhouang Laos).

=xyoo 1976 kuv tau coj poj niam tub se kхиav tawm lub teb chaws los tsuas mus rau lub yeej thoj nam noom qhais thaib teb vim nyob tsis taus los tsuas teb lawm.

= xyoo 1978 kuv tau ua neeg thoj nam mus rau fab kis teb (French) nyob lub zos lav nyis. (Lagny Paris)

= xyoo 1982 kuv tau thoj nam mus nyob lub zos Kas kos xeev kis yas nas. (Guyane francaise- French Guiana

=xyoo : 9/9/89 kuv tau thoj nam mus rau America.usa mus nyob lub zos . Saint Paul, Minnesota.

= xyoo: 4/23/ 1991 kuv tau txais daim npav ntsuab nyob America teb lawm. (greencard)

= xyoo 1993 kuv tau txais lus pom zoo los ntawm 18 xeem hmoob nyob Minnesta kom kuv ua tus xib hwb tshawb fawb qhia hmoob kab lis kev cai, kev cai lij choj xws li: mooj kav, moj coj, moj yam, moj yeeg quav lw mooj keeb cag ko khaws cia ua hmoob puav pheej.

= xyoo : 4/ 30 / 1998 kuv mus xeem tau daim ntawv txia ua neeg American lawm.

Commandant. Tougeu leepalao

